



# Հուսիկ Արա

## Գեղեցկություն

Գեղեցկությունը կփրկի աշխարհը:

Դուստունսկի

Ինձ չփրկեցիր, գեղեցկություն,

հպարտ անցար լույսիս կողքով

և տեսնել չուզեցիր,

թե ինչ կա սրտիս մեջ:

Իմ սերն էիր ու համոզմունքը,

քեզ հասնելու համար աշխարհ եկա.

քո հրաշքը ինձ ամոքելն էր,

ու թերացար:

Մանրամասն տրվեցի ու անմնացորդ,

որ կարող է տալ մարդը աշխարհում,

երբ հանդիպել է քեզ:

Ինձնից ոչինչ չպահեցի ինձ,

քո սպասավորը եղա ու երկրպագուն,

բացձեռ շռայլեցի քեզ և ինձնից թաքուն:

Չնկատեցիր ինձ,

որքան էլ ուղիղ աչքերիդ մեջ նայեցի,

շրջանցեցիր ու եզրով անցար.

օտար եղա քեզ

ու քո անտարբերը մնացի:

Շնորհակալ եմ սակայն, որ տեսա քեզ,

ճանաչեցի հայացքդ ու լեզուդ հասկացա,

որ կյանք դարձար, մի ակնթարթ թեկուզ,  
ամեն անգամ ինձ տրվող իմ մահվան դեմ:  
Նրա անողորմ ձեռքերն էիր,  
գեղեցկություն,  
որ ինչպես տվեց, այնպես էլ վերցրեց ինձնից,  
ու դատարկ է աշխարհը.  
ինձ չփրկեցիր, իմ աղջիկ,  
երբ կյանքս դո՛ւ էիր ամբողջովին: